



魏本紀第一

北中二

世祖太武皇帝諱燾明元皇帝之長子也母曰杜貴嬪天  
賜五年生於東宮體貌瓌異道武奇之曰成吾業者必此  
兒也泰常七年四月封太平王五月立為皇太子及明元  
帝疾命帝摠攝百揆帝聰明大度意豁如也八年十一月  
己巳明元帝崩壬申太子即皇帝位大赦天下十二月追  
尊皇妣為密皇太后進司徒長孫高爵為北平王司空奚  
斤為宜城王藍田公長孫翰為平明王其餘普增爵位各  
有差於是除禁錮釋嫌疑開倉庫振窮乏河南流人相率  
內屬者甚衆

始光元年春正月景寅安定王彌薨夏四月甲辰東巡幸  
大寧六月宋徐羨之弒其主義符秋七月車駕還宮八月  
蠕蠕六萬騎入雲中殺畧人吏攻陷盛樂帝帥輕騎討之  
虜乃退走九月大簡輿徒於東郊將北討冬十二月遣平  
陽王長孫翰等討蠕蠕車騎次柞山蠕蠕北遁諸軍追之  
大獲而還

二年春正月己卯車駕至自北伐三日景辰尊保母竇氏  
曰保太后丁巳以北平王長孫嵩為大尉平陽王長孫翰  
為司徒宜城王奚斤為司空庚申營於東宮為萬壽宮起  
永安安樂二殿臨望觀九華堂初造此學千餘夏四月詔  
龍驤將軍步堆使宋五月詔天下十家發大牛一頭運粟  
塞上秋八月赫連屈丐死九月永安安樂二殿成丁卯大  
饗以洛之冬十月癸卯車駕北伐東西二道並出平陽王  
長孫翰等絕漠追寇蠕蠕北走

三年春正月壬申車駕至自北伐乞伏熾盤遣使朝貢請  
討赫連昌二月起太學於城東祀孔子以顏回配夏五月  
辛卯進中山公纂爵為王復南安公素先爵常山王六月  
辛雲中舊宮謁陵廟西至五原田於陰山東至和堯山秋  
七月築馬射臺于長川帝親登臺走鹿王公諸國君長馳  
射中者賜金錦繒絮各有差八月車駕還宮宋人來聘帝

以赫連屈山死諸子相攻冬十月丁巳車駕西伐幸雲中  
臨君子津會大暴寒數日冰合十一日戊寅率輕騎襲赫  
連昌壬午徙萬餘家而還至祚山班勇獲以賜將士各有  
芻十二月詔奚斤西據長安秦隴公瑒皆叛昌詣斤降武  
都王陽玄及沮渠蒙遜等使使內附

四年春正月乙酉車駕至自西伐留臺文武各有芻從  
人在道多死到者裁十六七己亥行幸幽州赫連昌遣其  
弟定向長安帝聞之遣就陰山伐木造攻具二月車駕還  
宮三月景午詔執金吾桓貸造城於君子津丁丑廣平王  
連薨夏四月丁未詔負外散騎常侍步堆使於宋十月車

駕西討赫連昌次拔隣山築城舍輜重以輕騎二萬先行  
戊戌至黑水帝親祈天告祖宗之靈而誓衆六月癸卯朔  
日有蝕之甲辰大破赫連昌昌奔上邽乙巳車駕入城虜  
昌羣弟及其母妹妻妾宮人萬數府庫珍寶車旗器物不  
可勝計辛酉班師留常山素執金吾桓貸鎮統萬秋七  
月己卯築壇於祚嶺戲馬馳射賜中者金帛繒絮各有芻  
蠕蠕寇雲中聞破赫連昌懼而逃八月壬子車駕至自西  
伐飲至策勲告宗廟班軍實以賜留臺百寮各有芻冬十  
一月以氏王楊玄為假征南大將軍都督梁州刺史南秦  
王十二月行幸中山守宰貪以免者十數人癸卯車駕還

宮復所過田租之半

神麿元年春正月以天下守令多非法精選忠良悉代之  
辛未京兆王黎薨二月改元司空奚斤進軍安定監軍侍  
御史安頡出戰禽昌其餘衆立白第定爲主走還平涼三  
月辛巳侍中古弼送赫連昌至京師司空奚斤追赫連  
定於平涼馬髦嶺爲定所禽將卑丘惟先在安定聞斤敗  
東走長安帝大怒詔頡令斬之爰四月赫連定遣使朝貢  
壬子西巡戊午田于河西大赦南秦王楊玄遣使朝貢五  
月乞伏熾盤死秋八月東幸廣 穽臨觀溫泉以大牢祭黃  
帝堯舜廟九月車駕還宮又十一月乙未朔日有蝕之是  
月行幸河西大校獵十二月甲 午車駕還宮

二年夏四月宋人來聘庚寅車駕北伐五月丁未次于沙  
漠舍輜重輕騎兼翼馬至粟水 踰蠕震怖焚廬舍絕跡西  
走冬十月振旅凱旋于京師告于宗廟列置新人于漠南  
東至蠕源西暨五原陰山竟三千里十一月西巡田于河  
西至祚山而還

三年春正月庚子車駕還宮壬寅大赦癸卯行幸廣 穽臨  
溫泉作溫泉歌二月丁卯司徒斗陽王長孫翰薨戊辰車  
駕還宮二月壬寅進會稽公赫連昌爲秦王夏四月甲子  
行幸雲中敕勤萬餘落叛走詔回書封鐵追滅之五月戊

午論討敕勒功大明賞罰秋七月己亥詔諸征鎮將軍王公杖節邊遠者聽開府辟召十六次增置吏員庚子詔大鴻臚卿杜超假節都督冀定相二州諸軍事行征南大將軍太宰進爵為王鎮鄴為諸軍節度八月宋將到彥之自清水入河泝流西行景寅彥之道將度河攻冶坂冠軍將軍安頡督諸軍擊破之九月癸卯立密皇太后廟于鄴甲辰行幸統萬遂征平涼是月馮跋死冬十月乙卯冠軍將軍安頡濟河攻洛陽景子拔之辛巳安頡平武牢十一月乙酉車駕至平涼己亥行幸冀定庚子帝自安西還臨平涼遂掘塹圍守之行幸紐城女慰初附赦秦隴之人賜復七

年辛酉安頡帥諸軍攻滑臺沮渠蒙遜遣使朝貢壬寅封壽光侯叔孫建為丹楊王十二月丁卯赫連定弟社于度洛孤面縛出降平涼收其珍寶定長安臨晉武功守將皆奔走關中平壬申車駕還東留巴東公延普等鎮安定四年春正月壬午車駕次木根山大鄉食君羊臣景申宋將檀道濟王仲德從清水救滑臺丹楊王叔孫建汝陰公長孫道生拒之道濟等不敢進是月赫連定城乞伏慕末二月辛酉安頡司馬楚之平滑臺癸酉車駕還宮飲至策勲告于宗廟賜留臺百官各有老戰士賜復十年定州人飢詔開倉以振之宋將檀道濟王仲德東走三月庚戌冠軍將

軍安頡獻宋俘萬餘人甲兵三萬夏六月赫連定北龍衣沮  
渠蒙遜為吐谷渾慕瓚所執閏月乙未蠕蠕國遣使朝貢  
詔散騎侍郎周紹使于宋秋七月己酉行幸河西起承華  
宮八月乙酉沮渠蒙遜遣子安周入侍吐谷渾慕瓚遣使  
奉表請送赫連定己丑以慕瓚為大將軍封西秦王九月  
癸丑車駕還宮庚申加太尉長孫嵩柱國大將軍以左光  
祿大夫崔浩為司徒征西大將軍長孫道生為司空癸亥  
詔兼太常李順持節拜西河王沮渠蒙遜為假節加侍中  
都督涼州持節及西域羌戎諸軍事行征西大將軍太傅  
涼州牧涼王壬申詔曰范陽盧玄博陵崔綽趙郡李靈河  
間并穎勃海高允廣平游雅太原張偉等皆賢雋之胄冠  
元州邦有羽儀之用易曰我有好爵吾與爾縻之如玄之  
隱跡衡門不曜名譽百盡敕州郡以禮發遣遂徵玄等  
郡所遣至者數百人皆差次敘用冬十月戊寅詔司徒  
憲改定律令行幸漠南十一月景辰北部敕勒莫弗庫  
悉丁率其部數萬騎驅鹿獸數百萬詣行在所帝因而大  
以賜從者勒石漠南以記功德宜城王美斤坐事降爵  
公十二月車駕還宮

元元年春正月景午尊保太后為皇太后皇后赫連  
皇子晃為皇太子謁于太廟大赦改元三月丁未追

人賀氏為皇后三由西秦王吐谷渾慕瓚送赫連定  
師夏五月宋人來聘六月庚寅車駕伐和龍詔尚書  
射安原等屯于漠南以備蠕蠕辛卯詔兼散騎常侍  
使於宋秋七月己巳車駕至和龍穿澗以守之是月  
言九月己卯車駕西還徙營于成周遼東樂浪帶方  
六郡人三萬家于幽州開倉以振之冬十月乙亥渾  
遼使朝貢十一月己巳車駕至自和龍十二月己丑  
長樂公宗及其母弟劼劼弟遜以遼西內屬先是  
州郡多逼遣之詔以禮申喻任其進退

將軍遼西王承制聽置尚書己下壬午詔兼散騎常侍宋  
宣使於宋夏四月沮渠蒙遜死以其子牧犍為車騎將軍  
改封西河王六月遣永昌王健尚書左僕射安原督諸軍  
討和龍辛巳詔樂安王範發秦雍兵一萬築小城於長安  
城內秋八月遼西王馮崇上表來說降其父帝不聽九月  
宋人來聘并獻馴象一戊午詔兼大鴻臚卿崔隨持節拜  
征虜將軍楊難當為征南大將軍儀同三司封南秦王冬  
十二月己巳大赦天下辛未幸陰山北詔兼散騎常侍盧  
玄使於宋  
三年春正月乙未車駕次于女水大饗羣臣戊戌馮弘遣



使求和帝不許景辰南秦王楊難當尅漢中送雍州流人  
七千家于長安二月戊寅詔以頻年屢征有事西北運輸  
之役百姓勤勞令郡縣括貧富以爲三級富者租賦如常  
中者復二年下窮者復三年辛卯車駕還宮三月甲寅行  
幸河西閏月甲戌秦王赫連昌叛走景子河西侯將格殺  
之驗其謀反羣弟皆伏誅己卯車駕還宮進彭城公粟壽  
爲王秋七月辛巳東宮成備置屯衛三分西宮之一壬午  
行幸美稷遂至隰城命諸軍討山胡白龍于河西九月戊  
子尅之斬白龍及其將帥屠其城冬十一月車駕還宮十  
二月甲辰行幸雲中

大延元年春正月乙未朔日有蝕之壬午降死罪刑已下  
各一等癸未出道武明元宮人令得嫁甲申大赦改元二  
月庚子蠕蠕焉耆重師各遣使朝貢詔長安及平涼人徙  
在京師其孤老不能自存者聽還鄉里丁未車駕還宮夏  
五月庚申進宜都公穆壽爲宜都王汝陰公長孫道生爲  
上黨王宜城公奚斤爲恒農王廣陵公婁伏連爲廣陵王  
遣使者二十輩使西域甲戌行幸雲中六月甲午詔曰夫  
春小阜東作不茂憂勤尅已祈請靈祇豈朕精誠有感何  
報應之速雲雨震灑流澤霑渥有鄙婦人持方寸玉印詣  
潞縣侯孫家旣而亡去莫知所在印有二字爲龍鳥之形

要妙竒巧不類人迹文曰旱疫平推尋其理蓋神靈之報  
應也比者以來禎瑞仍臻甘露流液降於殿內合帶  
生于中山野木連理殖於魏郡在先后載誕之鄉白鷺集  
于盛樂舊都玄鳥隨之蓋有千數嘉禾頻歲合秀於恒農  
白兔並見於勃海白雉三隻又集於平陽太祖之廟天降  
嘉貺將何德以酬之其今天下大酺五日禮報百神守宰  
祭界內名山大川上答天意景午高麗鄯善國並遣使朝  
貢秋七月田於柵陽己卯樂平王丕等五將東伐至和龍  
徙男女六千口而還八月景成行幸河西粟特國遣使朝  
貢九月車駕還宮冬十月癸卯尚書左僕射安原謀反伏

誅甲辰行幸定州次于新城宮十一月己巳校獵于廣川

景子行幸鄴祀密太后廟諸國過親問高年稟禮賢俊十  
二月癸卯遣使者以太牢祀北岳

二年春正月甲寅車駕還宮二月乙亥子馮弘遣使朝貢求  
送侍子帝不許壬辰遣使者十餘輩詣高麗東夷諸國詔  
喻之三月景辰宋人來聘辛未遣平東將軍娥清安西將  
軍古弼討馮弘求救於高麗高麗遣其大將葛莫虜盧  
迎之夏四月甲寅皇子小兒苗兒並薨五月乙卯馮弘奔高  
麗戊午詔散騎常侍封檢使高麗徵送馮弘丁卯行幸河  
西赫連定之西也楊難當竊據上邽秋七月庚戌命樂平

王不等討之詔散騎常侍游雅使於宋八月丁亥遣使六  
輩使西域帝校獵于河西詔廣平公張黎發定州七郡一  
萬二千人通莎泉道甲辰高車國遣使朝貢九月庚戌樂  
平王不等至略陽公難當奉詔攝上邽守高麗不送馮弘  
帝將伐之納樂平王丕計而止冬十一月己酉幸柤陽驅  
野馬於雲中置野馬苑閏月壬子車駕還宮乙丑改封潁  
川王提為武昌王河西王沮渠牧犍遣使朝貢是歲吐谷  
渾慕瓚死

三年春正月癸未中山王纂薨戊子太尉北平王長孫嵩  
薨乙巳丹楊王叔孫建薨二月乙卯行幸幽州存恤孤老

問人疾苦還幸上谷遂至代阿過田租之半三月己卯  
車駕還宮丁酉宋人來聘夏五月己丑詔天下吏人得舉  
告守令不如法者景申行幸雲中秋七月戊子使求昌王  
徧上黨王長孫道生討山胡白龍餘黨於西河滅之八月  
甲辰行幸河西九月甲申車駕還宮丁丑遣使者拜西秦  
王慕瓚弟慕利延為鎮西大將軍儀同三司改封西平王  
冬十月癸卯行幸雲中十一月壬申車駕還宮是歲河西  
王沮渠牧犍世子封壇來朝高麗契丹龜茲悅般焉耆車  
師粟特疏勒烏孫渴盤陀鄯善破洛者舌等國各遣使朝  
貢

四年春三月庚辰鄯善王弟素延耆耋來朝癸未罷沙門年  
五十以下江陽王根薨是月高麗殺馮弼夏五月戊寅大  
赦秋七月壬申車駕北伐冬十一月丁卯朔日有蝕之十  
二月車駕至自北伐上洛巴泉輩等相帥內附詔兼散騎  
常侍高雅使于宋

五年春正月庚寅行幸定州三月辛未車駕還宮庚寅以  
故南秦王世子楊保宗為征南大將軍秦州牧武都王鎮  
上邽夏五月癸未遼逸國獻汗血馬六月甲辰車駕西討  
沮渠牧犍侍中宜都王穆壽輔皇太子決留臺臺大將軍  
長樂王嵇敬輔國大將軍建寧主宗二萬人屯漠南以備

蠕蠕秋七月己巳車駕至上都屬國城大饗羣臣講武馬  
射壬午留輜重分部諸軍八月景申車駕至姑臧牧犍兄  
子祖踰城來降乃分軍圍之九月景戌牧犍與左右文武  
五千人面縛軍門帝解其縛待以藩臣之禮收其城內戶  
口二十餘萬倉庫珍寶不可稱計進張掖公禿髮保周爵  
為王與龍驤將軍穆羆安遠將軍源賀分略諸郡牧犍弟  
張掖太守宜得西奔酒泉太守無諱後奔晉昌樂都太守  
安周南奔吐谷渾戌子蠕蠕犯塞遂至七介山京都大駭  
皇太子命上黨王長孫道生等拒之冬十月辛酉車駕還  
宮徙涼州人二萬餘家于京師留樂平王丕征西將軍賀

多羅鎮涼州癸亥遣張掖王禿髮保周喻諸部鮮卑保周  
因率諸部叛於張掖十一月乙巳宋人來聘并獻馴象一  
十二月壬午車駕至自西伐飲至策勳告于宗廟楊難當  
寇上邽鎮將元勿頭討走之是歲鄯善龜茲踈勒耆耉高  
麗粟特渴盤陀破那悉半居等國並遣使朝貢

太平眞君元年春正月己酉沮渠無諱園酒泉辛亥分遣  
侍臣巡行州郡觀察風俗問人疾苦二月己巳詔假通直  
常侍邢頊使於宋發長安人五千浚昆明池三月酒泉陷  
夏四月戊午朔日有蝕之庚辰沮渠無諱寇張掖禿髮保  
周屯刪丹六月丁丑皇孫濬生大赦改元秋七月行幸陰

山己丑永昌王建大破禿髮保周走之景申保太后竇氏  
崩于行宮癸丑保周自殺傳首京師八月甲申沮渠無諱  
降九月壬寅車駕還宮是歲州鎮十五飢詔開倉振恤之  
以河南王曜子羯兒爲河間王後改封略陽王

二年春正月癸卯拜沮渠無諱爲征西大將軍涼州牧酒  
泉王三月辛卯葬惠太后於崑山庚戌新興王俊略陽王  
羯兒有罪黜爲公辛亥封蠕蠕郁久間乞歸爲朔方王沮  
渠萬年爲張掖王夏四月丁巳宋人來聘秋八月辛亥詔  
散騎侍郎張偉使于宋九月戊戌永昌王健薨冬十一月  
庚子鎮南大將軍奚眷平酒泉十二月景子宋人來聘

三年春正月甲申帝至道壇親受符籙備法駕旗幟盡青  
三月壬寅北平王長孫頽有罪削爵為侯夏四月酒泉王  
沮渠無諱走渡流沙據鄯善涼州昭王孫李寶據敦煌遣  
使內附五月行幸陰山北六月景成楊難當朝於行宮先  
是起殿於陰山北殿成而難當至因曰廣德焉秋八月甲  
寅晦日有蝕之冬十月己卯封皇子伏羅為晉王翰為秦  
王譚為燕王建為楚王余為吳王十二月辛巳太保襄城  
魯元薨丁酉車駕還宮李寶遣使朝貢以寶為鎮西  
軍開府儀同三司沙州牧封煌公

四年春正月庚午行幸中山二月景子次于恒山之陽詔  
有司刊石勒銘是月剋仇池三月庚申車駕還宮夏四月  
武都王楊保宗謀反諸將禽送京師氏羌復推保宗弟文  
德為主圍仇池六月庚寅詔復人貲賦三年其田租歲輸  
如常牧守不得妄有徵發癸巳大閱于西郊九月辛丑行  
幸漠南甲辰捨輜重以輕騎龍衣蠕蠕分軍為四道冬十一  
月甲子車駕還至朔方詔曰夫陰陽有往復四時有代謝  
授子任賢蓋古今不易之令典也其令皇太子副理萬機  
摠統百揆諸功臣勤勞日久皆當以爵歸第隨時朝請饗  
宴朕前論道陳謨而已不宜復煩以劇職更舉賢俊以備  
百官明為科制以稱朕心十一月辛卯車駕至自北伐

五年春正月壬寅皇太子始撫百揆侍中中書監宣都王  
穆壽司徒東都公崔浩侍中廣平公張黎侍中建興公古  
弼輔太子以決庶政諸上書者皆稱臣上疏儀與表同成  
申詔自王公已下至於庶人私養沙門巫及金銀工巧之  
人在其家者皆遣詣官曹以今年二月十五日過期不出  
巫沙門身死主人門誅庚子詔自三公已下至於卿士其  
子息皆詣太學其百工伎工騶卒子息當習其父兄所業  
不聽私立學校違者師身死主人門誅二月辛未中山王  
辰等八人以北伐後期斬于都南癸酉樂平王丕薨庚辰  
行幸廬三月戊辰大會于鄒南遣使者四輩使西域甲辰  
車駕還宮夏四月乙亥大宰陽平王杜超爲帳下所殺五  
月丁酉行幸陰山北六月酉平王吐谷渾慕利延殺其兄  
子緯代立緯弟叱力延等來奔乞師以叱力延爲歸義王  
秋八月乙丑田于河西壬子詔負外散騎常侍高濟使於  
宋九月帝自河西至于馬口觀于崢川己亥車騎還宮  
未行幸漠南冬十月癸未六日王伏羅大破慕利延慕利延  
走奔白蘭其部一萬三千內附十一月宋人來聘十二月  
景戌車駕還宮

六年春正月辛亥行幸定州引見長老存問之詔兼負外  
散騎常侍宋愔使于宋二月遂西幸上黨觀連理樹於玄

氏至吐京討徙叛胡出配郡縣三月庚申車駕還宮詔諸  
有疑獄皆付中書以經義重決夏六月戊子朔日有蝕之  
壬辰北巡秋八月壬辰散騎常侍成周公萬度歸以輕騎  
至鄯善執其王真達與詣京師帝大悅厚待之車駕幸陰  
山北次于廣德宮詔發二八下兵二取一各當戒嚴以須後  
命徙諸種雜人五千餘家於北邊令人北徙畜牧至廣漠  
以餌蠕蠕壬寅征西大將軍高涼王斛等討吐谷渾慕利  
延軍到曼頭城參利延驅其部落西度流沙斛急追故西  
秦王慕瓚世子被囊逆當拒戰斛擊破之中山公杜豐追  
度三危至雪山禽被囊襲慕利延元子什歸熾盤王成龍

送于京師慕利延遂四入于闐國九月盧水胡蓋吳聚眾  
反於杏城冬十一月高涼王斛振旅還京師庚申遼東王  
竇滂頭薨河東蜀薛永宗聚黨入汾曲西通蓋吳受其位  
號蓋吳自號天台王署百官辛未車駕還宮選六州兵勇  
猛者使永昌王仁高涼王斛分領為二道南略淮泗以北  
徙青徐之人以實河北癸未西巡

七年春正月戊辰車駕次東雍禽薛永宗斬之其男女無  
少長皆赴水死辛未南幸汾陰蓋吳退走北地二月景戌  
幸長安存問父老丁亥幸昆明池遂田于岐山之陽所過  
誅與蓋吳通謀反害守將者三月詔諸州坑沙門毀諸佛



像徙長安城內工巧二千家於京師夏四月甲申車駕至  
自長安戎子毀鄴城五層佛圖於泥像中得玉璽二其文  
皆曰受命於天既壽永昌其一刻其旁曰魏所受漢傳國  
璽五月蓋吳復聚谷城自號秦地王景戌發司幽定冀四  
萬人築畿上塞圍起上谷西至于河廣袤皆千里六  
癸未朔日有蝕之秋八月蓋吳爲其下人所殺傳首京  
師復略陽公羯兒王爵

八年春正月癸未行幸中山三月河西王沮渠牧犍謀反  
伏誅夏五月車駕還宮六月西征諸將扶風公處真等八  
將坐盜沒軍資所在虜掠賊各千萬計並斬之秋八月樂

安王範薨冬十一月侍中中書監宜都王穆壽薨十二月  
晉王伏羅薨

九年春正月宋人來聘二月癸卯行幸定州山東人飢詔  
開倉振之罷塞圍作遂西幸上黨詔於壺關東北大王山  
累石爲二封又斬其鳳皇山南足以斷之二月車駕還宮  
夏五月甲戌以交趾公韓拔爲假征西將軍領護西戎校  
尉鄯善王鎮鄯善賦役其人比之郡縣六月辛酉行幸廣  
德宮丁卯悅般國遣使求與王師俱討蠕蠕帝許之秋八  
月詔中外諸軍戒嚴九月乙酉練兵于西郊景戌幸陰山  
是月成周公萬度歸千里驛上大破焉耆國其王鳩尸卑

邠奔龜茲冬十月辛丑恒農王奚斤薨癸卯以婚姻奢靡  
 喪葬過度詔有司更為科限癸亥大赦十二月詔成周公  
 萬度歸自焉耆西討龜茲皇太子朝于行宮遂從北討至  
 受降城不見蠕蠕因積糧城內留守而還北平王長孫敷  
 坐事降爵為公

十年春正月戊辰朔帝在漠南大饗百寮申戌蠕蠕吐賀  
 真懼遠遁三月蒐于河西庚寅車駕還宮夏四月景申朔  
 日有蝕之九月閱武於磧上遂北伐冬十月庚子皇太子  
 及羣官奉迎於行宮十二月戊申車駕至自北伐己酉以  
 平昌公託真為中山王

十一年春正月乙丑行幸洛陽於北郊國皆親

恤孤寡二月甲午大蒐於梁川皇子真薨是月大修宮室  
 皇太子居于北宮車駕遂征懸瓠夏四月癸卯車駕還宮  
 賜從者及留臺郎吏已上生口各有老六月己亥誅司徒  
 崔浩辛丑北巡陰山秋七月宋將王玄謨攻滑臺八月辛  
 亥田守河西癸未練兵於西郊九月辛卯車駕南伐癸巳  
 皇太子北伐屯于漠南吳王余留守京都庚子曲赦定冀  
 相三州死罪已下冬十月乙丑車駕濟河玄謨棄軍而走  
 乃命諸將分道並進車駕自中道十一月辛卯至鄒山使  
 使者以太牢祀孔子是月頰省國獻師子十二月丁卯

信州儒學

上史帝紀二上

車駕至淮詔刈藿葦作筏數萬而濟淮南皆降癸未車駕  
臨江起行宮於瓜步山諸軍同日皆臨江所過城邑莫不  
望塵奔潰其降附者不可勝數甲申宋文帝使獻百牢貢  
其方物又請進女於皇孫以求和好帝以師婚非禮許和  
而不許婚使散騎侍郎夏侯野報之帝詔皇孫爲書致馬  
通問焉

正平元年春正月景戌朔大會羣臣於江上文武受爵者  
二百餘人丁亥車駕北旋二月癸未次于魯口皇太子朝  
於行宮三月己亥車駕至自南伐飲至策勳告於宗廟以  
降人五萬餘家分置近畿賜留臺文武所獲常資生口各

有差夏五月壬寅大赦六月壬戌改元車師國王遣子入  
侍詔以刑網太密犯者更衆命有司其案律令務求厥中  
自餘有不便於人者依比增損詔太子少傅游雅中書侍  
郎胡方回等改定律制略陽王羯兒高涼王郗有罪賜死  
戊辰皇太子薨壬申葬景穆太子於金陵秋七月丁亥行  
幸陰山省諸曹吏員三分之一九月癸巳車駕還宮冬十  
月庚申行幸陰山宋人來聘詔殿中將軍郎法祐使於宋  
己巳司空止黨王長孫道生薨十二月丁丑車駕還宮封  
皇孫濬爲高陽王尋以皇孫世嫡不宜在藩乃止改封秦  
王翰爲東平王燕王譚爲臨淮王楚王建爲廣陽王吳王

余爲南安王

二年春正月庚辰朔南來降人五千餘家於中山謀叛州軍討平之冀州刺史張掖王沮渠萬年與降人通謀賜死三月甲寅中常侍宗愛構逆帝崩於永安宮時年四十五祕不發喪愛又矯皇后令殺東平王翰迎南安王余立大赦改元爲承平尊謚曰太武皇帝葬於雲中金陵廟號世祖帝生不逮密太后及有所識言則悲慟哀感傍人明元聞而嘉歎及明元不豫衣不釋帶性清儉率素服御飲膳取給而已不好珍麗食不二味所幸昭儀貴人衣無兼練羣臣白帝更峻京邑城隍以從周易設險之義又陳肅何壯麗之說帝曰古人有言在德不在險屈而蒸土築城而朕滅之豈在城也今天下未平方須人加土功之事朕所未爲肅何之對非雅言也每以財者軍國之本無所輕費至於賞賜皆是勳績之家親戚愛寵未嘗權有所及臨敵常與士卒同在矢石間左右死傷者相繼而帝神色自若是以人思效命所向無前命將出師指授節度從命者無不制勝違爽者率多敗失性又知人拔士於卒伍之中唯其才效所長不論本末兼甚嚴斷明於刑賞功者賞不遺賤罪者刑不避親雖寵愛之終不虧法常曰法者朕與天下共之何敢輕也故大臣犯法無所寬假雅長聽察瞬息

之間下無以措其姦隱然果於誅戮後多悔之司徒崔浩  
死後帝北伐時宣城公李孝伯疾篤傳者以爲卒帝聞而  
悼之謂左右曰李宣城可惜又曰朕向失言崔司徒可惜  
李宣城可哀。褒貶雅意皆此類也。

景穆皇帝諱晃次武皇帝之長子也母曰賀夫人延和元  
年正月景午立爲皇太子時年五歲明慧強識聞則不忘  
及長好讀經史皆通大義太武甚竒之及西征涼州皇太  
子監國初太武之伐河西李順等感言姑臧無水草不可  
行師太子有疑色及車駕至姑臧乃詔太子曰姑臧城東  
西門外涌泉合於城北其大如河澤草茂盛可供大軍數

年人之多言亦可惡也太子謂宮臣曰爲人臣不實若此  
豈是忠乎吾初聞有疑但帝決行耳幾誤人大事言者復  
何面目見帝也真君四年從征蠕蠕至鹿渾谷與賊遇虜  
惶怖擾亂太子言於太武曰宜速進擊掩其不備中書令  
劉潔固諫以爲塵盛賊多須軍大集太子曰此由賊恆擾  
何有營上而有此塵太武疑之遂不急擊蠕蠕遠遁旣而  
獲虜候騎乃云不覺官軍卒至上下惶懼北走經六七日  
知無追者乃徐行帝深恨之自是太子所言軍國大事多  
見納用遂知萬機及監國命有司使百姓有牛家以人牛  
相質又禁飲酒雜戲棄本沽販者於是墾田大增正平元

年六月戊辰薨於東宮時年二十四庚午命持節兼太尉  
張黎兼司空竇瑾奉策即柩謚景穆太子文成即位追尊  
爲景穆皇帝廟號恭宗

高宗文成皇帝諱濬景穆皇帝之長子也母曰閭氏真君  
元年六月生於東宮帝少聰達太武常置左右號世嫡皇  
孫年五歲太武北巡帝從在後逢虜帥柁一奴將加罰帝  
謂曰奴今遭我汝宜釋之帥奉命解縛太武聞之曰此兒  
雖小欲以天子自處意竒之及長風格異常每參決大政  
可否正平二年三月中常侍宗愛弒逆立南安王余十月  
景午朔又賊余於是殿中尚書長孫渴侯與尚書陸麗奉  
迎世嫡皇孫

興安元年冬十月戊申皇帝即位於永安前殿大赦改元  
正平二年爲興安以驃騎大將軍元壽樂爲太宰都督中  
外諸軍錄尚書事以尚書長孫渴侯爲尚書令儀同三司  
十一月景子二人爭權並賜死癸未廣陽王建臨淮王譚  
薨甲申皇妣閭氏薨進平南將軍宋子侯周怵爵爲樂陵  
王南部尚書常安子陸麗爲平原王文武各加位一等壬  
寅追尊皇考景穆太子爲景穆皇帝妣閭氏爲恭皇后尊  
保母常氏爲保太后十二月戊申祔葬恭皇后於金陵乙  
卯初復佛法丁巳以樂陵王周怵爲太尉平原王陸麗爲

司徒鎮西將軍杜元寶為司空保達沙獵等國各遣使朝  
貢戊寅進建業公陸侯爵為東平王進廣平公杜遺爵為  
王癸亥詔以營州蝗開倉振恤甲子太尉樂陵王周怛有  
罪賜死進濮陽公閻若文爵為王

二年春正月辛巳進司空杜元寶爵為京兆王廣平王杜  
遺薨進尚書僕射東安公劉尼爵為王封建寧王崇子麗  
為濟南王癸未詔與百姓雜調十五景茂進尚書西平公  
源賀爵為王二月己未司空京兆王杜元寶謀反伏誅建  
寧王崇崇子濟南王麗為元寶所引各賜死乙丑發京師  
五千人穿天泉池是月宋太子劭殺文帝三月尊保太后  
為皇太后進安豐公閻武皮爵為河間王夏五月宋孝武  
帝殺太子劭而自立閏月乙亥太皇太后赫連氏崩秋七  
月辛亥行幸陰山濮陽王閻若文永昌王仁謀反乙卯仁  
賜死者文伏誅己巳車駕還宮是月築馬射臺於南郊八  
月戊戌詔曰朕即位以來風雨順序邊方無事眾瑞兼呈  
又於苑內獲方寸玉印其文曰子孫長壽君平公卿士咸曰  
休哉豈朕一人克臻斯應寔由天地祖宗降祐之所致也  
思與兆庶共茲嘉慶其令百姓大酺三日降殊死已下囚  
九月壬子閱武於南郊冬十一月辛酉行幸信都中山觀  
察風俗十二月甲午車駕還宮復北平公長孫敷王爵是





源賀隴西王噶達普嵐等國各遣使朝貢

三年春正月徵漁陽公尉眷拜太尉進爵為王錄尚書事  
夏五月封皇弟新成為陽平王六月癸卯行幸陰山秋八  
月田於陰山之北己亥還宮冬十月將東巡詔太宰常英  
起行宮於遼西黃山十二月州鎮五蝗百姓飢使開倉振  
給之是歲粟特于闐等五十餘國竝遣使朝貢

四年春正月景午朔初設酒禁乙卯行幸廣籜溫泉宮遂  
東巡庚午至遼西黃山宮遊宴數日親對高羊勞閭疾苦  
二月景子登碣石山觀滄海大饗羣臣於山上班賞進爵  
各有差改碣石山為樂遊山築壇記行於海濱戊寅南幸

信都田於廣川三月丁未觀馬射於中山所過郡國賜復  
一年景辰車駕還宮起太華殿乙丑東平王陸俊薨夏五  
月壬戌詔曰比年以來雜調減省而所在州郡咸有逋懸  
非在職之官綏導失所貪穢過度誰使之然自今常調不  
充人不安業宰人之徒加以死罪六月景申田於松山秋  
七月庚午行幸河西九月丁巳還宮辛亥太華殿成景寅  
饗羣臣大赦冬十月甲戌北巡至陰山有故冢毀廢詔曰  
昔姬文葬枯骨天下歸仁自今有穿墳壠者斬之辛卯次  
于車輪山累石記行十一月車駕渡漠蠕蠕絕迹遠遁十  
二月中山王託真薨

五年春二月己酉司空河南公伊弼薨三月庚寅曲赦京師死罪已下夏四月乙巳封皇弟子推為京兆王五月常居國遣使朝貢六月戊申行幸陰山秋八月庚戌遂幸雲中壬戌還宮九月戊辰儀同三司敦煌公李寶薨冬十二月戊申詔以六鎮雲中高平二雍秦州徧遇災旱穀不收開倉廩振之有徙流者喻還桑梓

和平元年春正月甲子朔大赦改元庚午詔散騎侍郎馮闡使於宋夏四月戊戌皇太后常氏崩於壽安宮五月癸酉葬昭太后於廣寧鳴雞山六月甲午詔征西大將軍陽平王新城等討吐谷渾吐谷渾吐谷佳浩之誅也史官遂廢至是

復置秋七月西征諸軍至西平什寅走保南山九月庚申朔日有蝕之是月諸軍濟河追什寅遇瘴氣多病疫乃引還庚午車駕還宮冬十月居常王獻馴象三十一月詔散騎侍郎盧度世使於宋

二年春正月乙酉詔曰刺史牧人為萬里之表自頃每因發調逼人假貸大商富賈要射時利上下通同分以潤屋為政之弊莫過於此其一切禁絕犯者十疋以上皆死布告天下咸令知禁二月行幸中山遂幸信都三月宋人來聘車駕所過皆親對高年問疾苦詔年八十一子不從役靈立南有山高四百餘丈乃詔羣臣仰射山峯無能踰者

帝彎弧發矢出三十餘丈過山南二百一十步遂刊石勒  
銘是月發并肆州五千餘人修河西獵道辛巳車駕還宮  
夏四月乙未河東正閭毗薨五月癸未詔南部尚書黃盧  
頭李敷業考課諸州秋七月戊寅封皇弟小新成爲濟陰  
王天賜爲汝陰王萬壽爲樂良王洛侯爲廣平王八月波  
斯國遣使朝貢冬十月詔假員外散騎常侍游明報使于  
宋廣平王洛侯薨

三年春正月壬午以東郡公乙渾爲太原王癸未樂良王  
萬壽薨二月壬子朔日有蝕之癸酉田於崞山遂觀漁于  
旋鴻池三月甲申宋人來聘高麗徙王契齒思獻於師疏  
勒石那悉居半渴盤陔等國並遣使朝貢夏六月庚申行  
幸陰山秋七月壬寅幸河西九月壬辰常山王素薨冬十  
月詔員外散騎常侍游明報使于宋十一月壬寅車駕還  
宮十二月乙卯制戰陣之法十有餘條因大讎曜兵有飛  
龍騰虵魚麗之變以示威武戊午零陵王閭拔薨

四年春二月乙未賜京師人年七十以上太官厨食以終  
其年皇子胡仁薨追封樂陵王夏四月癸亥上幸西苑親  
射猛獸三頭五月壬辰侍中漁陽王尉眷薨壬寅行幸陰  
山秋七月壬午詔曰朕每歲閑月命羣臣講武所幸之處  
必立宮壇糜費之功勞損非一宜仍舊貫何必改作也八

月景寅遂田于河西九月辛巳車駕還宮冬十月以定相  
二州實霜傷稼免其田租詔真外散騎常侍游明根使於  
宋十二月辛丑詔以喪葬嫁娶大禮未備命有司爲之條  
格使貴賤有章上下咸序著之于令壬寅詔曰婚姻者人  
道之始比者以來貴族之門多不率法或貪利財賂或因  
緣私好在於苟合無所擇選塵穢清化虧損人倫將何以  
宣示典謨垂之來襲令制皇族肺腑王公侯伯及士庶之  
家不得與百工伎巧卑姓爲婚犯者加罪

五年春正月丁亥封皇弟雲爲任城王二月詔以州鎮十  
四去歲蟲水開倉振恤夏四月癸卯進封頓丘公李峻爲  
王閏月戊子帝以旱故減膳責身是夜澍雨大降五月宋  
孝武帝殂六月丁亥行幸陰山秋七月壬寅行幸河西九  
月辛丑車駕還宮冬十月琅邪侯司馬楚之薨十二月南  
秦王楊難當薨吐呼羅國遣使朝貢

六年春正月景申大赦二月丁丑行幸樓煩宮高麗王  
對曼等國各遣使朝貢三月戊戌相州刺史西平郡王吐  
谷渾權薨乙巳車駕還宮夏四月破洛那國獻汗血馬普  
嵐國獻寶劍五月癸卯帝崩于太華殿時年二十六六月  
景寅奉尊謚曰文成皇帝廟號高宗八月葬雲中之金陵  
顯祖獻文皇帝諱弘文成皇帝之長子也母曰李貴人興

光元年七月生於陰山之北大安二年二月立為皇太子  
和平六年五月甲辰即皇帝位大赦尊皇后曰皇太后車  
騎大將軍乙渾矯詔殺尚書楊保年平陽公賈愛仁南陽  
公張天度于禁中戊申司徒公平原王陸麗自湯泉入朝  
又殺之己酉以渾為太尉公以錄尚書事東安王劉危為  
司徒公以尚書左僕射和其奴為司空公六月封繁陽侯  
李疑為丹楊王征東大將軍馮熙為昌黎王秋七月癸巳  
以太尉乙渾為丞相位居諸王上事無大小皆決焉九月  
庚子曲赦京師丙午詔曰先朝以州牧親人宜置良佐故  
敕有司班九條之制使前政選吏以待後人然牧司舉非  
其人倦于典度今制刺史守宰到官之日仰自舉人望  
信以為選官不論前政共相平置若簡任失所以罔上誇  
是月宋義陽王劉昶自彭城來奔冬十月徵陽平王新成  
京兆王子推濟陰王小新成汝陰王天賜任城王雲入朝  
十一月宋湘東王或殺其王子業而自立

天安元年春正月己丑朔大赦改元二月庚申丞相太原  
王乙渾謀反伏誅乙亥以侍中元孔雀為濮陽王侍中陸  
定國為東郡王三月庚子以隴西王源賀為太尉公辛丑  
高宗文成皇帝神主祔于太廟辛亥帝幸道壇親受祭錄  
曲赦京師秋九月己酉初立鄉學郡置博士二人助教二

人學生六十人冬十二月皇弟安平王薨是歲州鎮十一  
旱人飢開倉振恤

皇興元年春正月癸巳鎮南大將軍尉元大破宋將張永  
沈攸之於呂梁東宋人來聘庚子東平王道符謀反於長  
安其司馬段太陽斬之傳首京師道符兄弟皆伏誅閏月  
以頓丘王李峻為太宰二月濟陰王小新成薨宋東平太  
守申纂戍無鹽逼絕王使詔征南大將軍慕容白曜督諸  
軍往討三月甲寅刻之秋八月丁酉幸武州山石窟寺戊  
申皇子宏生大赦改元九月己巳進馮翊公李白為梁  
王冬十月己亥朔日有蝕之癸卯田於鄒男池濮陽王

王喜博降為公

春二月癸未田于西山親射武豹三月慕容白曜進  
圍東陽戊午宋人來聘夏四月景子朔日有蝕之辛丑進  
南郡公李惠爵為王五月乙卯田于崑山遂幸敬時辛酉  
車駕還宮六月庚辰以河南關地畝赦京師殊死以下以  
昌黎王馮熙為太傅秋九月辛亥封皇叔禎為南安王長  
壽為城陽王太洛為章武王休為安定王冬十月癸酉朔  
日有蝕之辛丑田于冷泉十一月州鎮二十七水旱詔開  
倉振恤十一月甲午詔曰頃張永敢拒王威暴五原隰天  
下之人一也其求軍殘廢之士聽還江南露骸並去者殺

州縣收瘞之

三年春正月乙丑東陽潰虜沈文秀戊辰司空平昌公和  
其奴薨二月己卯進上黨公慕容白曜爵為濟南王夏四  
月壬辰宋人來聘景申名皇子宏大赦西田于崑山五  
月徙青齊人於京師六月辛未立皇子宏為皇太子冬十  
月丁酉朔日有蝕之是月太宰頓立王李峻薨十一月進  
襄城公韓頽爵為王

四年春正月州鎮大飢詔開倉振恤二月以東郡王陸定  
國為司空公詔征西大將軍上黨王長孫觀討吐谷渾什  
寅屠陽王石侯薨三月景戌詔天下人病者所在官司遣

鑿就家詆視所須藥任鑿所量給之夏四月辛丑大赦戊  
申長孫觀軍至曼頭山大破什寅五月封皇弟長樂為建  
昌王六月宋人來聘秋八月蠕蠕犯塞九月景寅車駕北  
伐諸將俱會于女水大破虜軍司徒東安公劉尼坐事免  
壬申車駕至自北伐飲至策勲告于宗廟冬十月誅濟南  
王慕容白曜高平公李敷十一月詔弛山澤禁十二月甲  
辰幸鹿野苑石窟寺陽平王新成薨

五年春二月乙亥詔假負外散騎常侍邢祐使于宋夏四  
月北平王長孫敷薨六月丁未行幸河西秋七月景寅遂  
至陰山八月丁亥車駕還宮帝幼而神武聰敏機悟有濟

人之規仁孝純至禮敬師友及即位雅薄時務常有遺世之心欲禪位於叔父京兆王子推羣臣固請乃止景午使太保建安王陸馥太尉源賀奉皇帝爾璽綬冊命皇太子升帝位於是羣公奏上尊號太上皇帝己酉太上皇帝徙御崇光宮采椽不斲土階而已國之大事咸以聞承明元年文明太后有憾帝崩於永安殿年二十三上尊謚曰獻文皇帝廟號顯祖葬雲中金陵

論曰太武聰明雄斷威靈傑立藉二世之資奮征伐之氣逐戎軒四出周旋夷險平秦隴掃統萬翦遼海蕩河涼南夫荷擔北蠕絕迹廓定四表混一華戎其爲武功也大矣豈使有魏之業光邁百王豈非神叡經綸事當命世至於初則東儲不終末乃豐成所忽固本貽防殆弗思乎景穆明德令聞夙世殂天其戾園之悼歟文成屬太武之後內非虛耗旣而國豐時艱朝野楚楚帝與時消息靜以鎮之養威布德懷緝中外自非機悟深裕矜濟爲心亦何能若此可謂有君人之度矣獻文聰睿夙成兼資雄斷故能更清漠野大啓南服而早有厭世之心終致宮闈之變將天意也



魏本紀第三

北史三

高祖孝文皇帝諱宏獻文皇帝之太子也母曰李夫人皇

興元年八月戊申生於平城紫宮神光照室天地氛氲和

氣充塞帝紮白者異姿襁褓岐嶷長而弘裕仁孝綽然有

人君之表獻文尤愛異之二年六月辛未立為皇太子五

年受禪延興元年秋八月景午皇帝即位於太華前殿改

皇興五年為延興丁未宋人來聘九月壬戌詔在位及人

庶進直言丁午青州高陽人封辯聚黨自號齊王州軍討

平之冬十月丁亥沃野統萬二鎮敕勒叛詔太尉隴西王

源賀追擊至枹罕滅之徙其遺迸於異定相二州為營戶

十二月乙酉封駙馬都尉穆亮為趙郡王壬辰詔永辭後  
獲東萊人媯苟之復其家畢世以彰盛德之不朽復前濮  
陽王孔雀本封辛丑徙趙郡王穆亮為長樂王癸卯日有  
蝕之

二年春正月大陽蠻酋桓誕率戶內屬拜征南將軍封襄  
陽王曲赦京師及河西南至秦涇西至枹罕北至涼州及  
諸鎮詔假負外散騎常侍邢祐使於宋二月丁巳詔曰頃  
者淮徐未賓尼父廟隔非所致令祠典寢頓禮章殄滅遂  
使女巫妖覘淫進非禮自今有祭孔廟制用酒脯而已不  
聽婦女雜合以祈非望之福犯者以違制論其公家有事

自如常禮蠕蠕犯塞太上皇帝次於北郊詔諸將討之虜  
遁走北部敕勒叛奔蠕蠕太上皇帝追至石磧不及而還  
三月戊辰以散騎常侍駙馬都尉萬安國為大司馬大將  
軍封安城王庚午親耕藉田連川敕勒謀叛徙配青徐齊  
兗四州為戶夏四月庚子詔工商雜伎盡聽赴農諸州課  
人益種菜果辛亥宋人來聘癸酉詔沙門不得去寺行者  
以公文是月宋明帝殂五月丁巳詔軍警給璽印傳符次  
給馬印六月安州遭水雹詔丐租振恤景申詔今年貢舉  
尤為猥濫自今所遣皆可門盡州郡之高才極鄉閭之選  
戊午行幸陰山秋七月壬寅詔州郡縣各遣二人才堪專

對者赴九月講武當親問風俗八月白濟遣使請兵伐高麗九月辛巳車駕還宮戊申統萬鎮將河間王閻武皮生貪殘賜死己酉詔以州鎮十一水旱凶其田租開倉振恤又詔流迸之人皆令還本違者徙邊冬十月蠕蠕犯塞及五原十一月太上皇帝親討之將度漠蠕蠕聞之北走數千里丁亥封皇叔略為廣川王壬辰分遣使者巡省風俗問人疾苦帝每月一朝崇光宮十二月庚戌詔曰頃者以來官以勞升未久而代牧守無恤人之心競為聚斂送故迎新相屬於路非所以固人志隆政道也自今牧守溫良仁儉克己奉公者可久於其任歲積有成遷位一級其貪殘非道侵削黎庶者雖任官甫爾必加黜罰著之於令以為勸準詔以代郡事同豐沛代人先配邊戍者免之是歲高麗地豆干庫莫奚高昌等國並遣使朝貢

三年春正月庚辰詔真外散騎常侍崔演使於宋丁亥改崇光宮為寧光宮二月戊午太上皇帝至自北討餒至策勲告於宗廟甲戌詔縣之能靜一縣劫盜者兼理二縣即食其祿能靜三縣者三年遷為郡守二千石能靜二郡上至三郡亦如之三年遷為刺史二月壬午詔諸倉屯穀麥充積者出賜貧人夏四月戊申詔假司空上黨王長孫觀等討吐谷渾拾寅壬子詔以孔子二十八世孫魯郡孔乘

爲崇聖夫夫給十戶以供灑掃六月甲子詔曰往年縣召秀才二人問守宰善惡而賞者未幾罪者衆多肆法傷生情所未忍諸爲人所列者特原其罪盡可代之秋七月詔河南六州人戶收絹一匹綿一斤租三十石乙亥行幸陰山八月庚申帝從太上皇帝幸河西拾寅謝罪請降許之九月辛巳車駕還宮乙亥宋人來聘己亥詔曰今京師及天下囚未判在獄致死無近親者給衣衾棺槨葬之不得暴露五詔遣十使循行州郡檢括戶口冬十月太上皇帝將西討詔州郡之人十一丁取一充行戶租五十石以備軍糧十一月戊寅詔以河南州郡牧守多不奉法致新邦百姓莫能上達遣使者觀風察獄黜陟幽明搜揚振恤癸巳太上皇帝南巡至懷州所過問人疾苦賜高年孝悌力田布帛十二月癸卯朔日有蝕之庚戌詔關外苑囿聽人樵採是歲高麗契丹庫莫奚悉萬斤等國並遣使朝貢州鎮十一水旱凶人田租開倉振恤相州人餓死者二千八百四十五人祗人劉舉自稱天子齊州刺史武昌王平原捕斬之

四年春正月癸酉朔日有蝕之丁丑太尉隴西王源賀以病辭位二月甲辰太上皇帝至自南巡辛未禁寒食三月丁亥詔負外散騎常侍許赤武使於宋夏四月丁卯詔曰

今非謀反大逆干紀外奔罪止其身而已秋七月己卯由  
赦仇池八月戊申大闕於北郊九月以宋亂故詔將軍元  
蘭等伐蜀漢冬十月庚子宋人來聘十一月分遣侍臣循  
河南七州觀察風俗撫慰初附是歲粟特敕勒吐谷渾高  
麗曹利闕悉契丹庫莫奚地豆干等國並遣使朝貢州鎮  
十三大飢丐人田租開人若振之

五年春二月癸丑詔定考課明黜陟夏四月詔禁畜雁鳥鷄  
開相告之制五月景午詔貢外散騎常侍許赤武使於宋  
丁未幸武州山辛酉幸車輪山六月庚午禁殺牛馬壬申  
曲赦京師死罪遣備蠶蠕秋九月癸卯洛州人賈伯奴稱  
順農王豫州人田智度稱上洛王郡討平之冬十月太上  
皇帝大闕於北郊十二月景寅改封建昌王長樂爲安樂  
王己丑城陽王長壽薨庚寅宋人來聘是歲高麗吐谷渾  
龜茲契丹庫莫奚地豆干蠕蠕等國並遣使朝貢

承明元年春二月司空東郡王陸定國坐事免官爵爲兵  
夏五月冀州人宋伏龍聚衆自稱南平王郡縣捕斬之六  
月甲子詔中外戒嚴分京師見兵爲三等第一軍出遣第  
一兵二等亦如之辛未太上皇帝崩壬申大赦改元大司  
馬大將軍安城王萬安國坐法賜死戊寅以征西大將軍  
安樂王長樂爲太尉尚書左僕射南平公日辰爲司徒進

封宜都王以南部尚書李訢為司空尊皇太后為太皇太后臨朝稱制秋七月甲辰追尊皇妣李貴人為思皇后漢陽王孔雀有罪賜死八月甲子詔羣公卿士有使人益國者具狀以聞甲戌以長安二蠶多死丐人歲賦之半九月丁亥曲赦京師冬十月丁巳起七寶永安行殿乙丑進假東陽王不爵為王己未詔羣官卿士下及吏人各聽上書直言極諫勿有所隱諸有益政利人可以正風俗者有司以聞辛未辛建明佛寺大宥罪人進濟南公羅拔為王是歲蠕蠕高麗庫普悉波斯契丹宕昌悉萬斤等國並遣使朝貢

太和元年春正月乙酉改元辛亥起太和安昌二殿己酉秦州略陽人王元壽聚眾自號衝天王雲中飢開倉振恤二月辛未秦益二州刺史武都公尉洛侯討破王元壽三月庚子以雍州刺史東陽王丕為司徒景牛詔曰去年牛疫死傷太半今東作既興人須肆業其教在所督課田農有牛者加勤於常歲無牛者倍庸於餘年一夫制田四十畝中男二十畝無令人有餘力地有遺利夏四月樂安王良薨詔復前東郡王隆定國官爵五月車駕祈雨於武州山俄而澍雨大洽秋七月壬辰京兆王子推薨庚子定三等死刑己酉起朱明思賢門是月宋人殺其主是八月壬

子大赦景子詔曰工商早課各有厥分而有司縱濫或決  
清流自今戶內有工役者唯止本部丞已下準次而授若  
階藉元勳以勞定國者不從此制戊寅宋人來聘九月乙  
酉詔羣臣定律令於太華殿庚子起永樂遊觀殿於北苑  
穿神泉池冬十月辛亥朔日有蝕之癸酉宴京邑耆老年  
七十已上於太華殿賜以衣服詔七十已上一子不從役  
宋護盧戍主楊文度遣弟鼠襲陷仇池十一月丁亥懷州  
人伊祁苟自稱堯後應王聚衆於重山洛州刺史馮熙討  
平之閏月庚午詔員外散騎常侍李長仁使於宋十二月  
壬寅征西將軍皮喜攻陷葭盧斬楊文度傳首京師丁未  
州郡八水旱蝗人飢詔開倉振恤是歲高麗契丹庫莫奚  
蠕蠕車多羅西天竺舍衛豐伏羅栗楊婆資闍等國並遣  
使朝貢

二年春正月丁巳封昌黎王馮熙第二子始興爲北平王  
二月丁亥行幸代之湯泉所過問人疾苦以宮女賜貧人  
無妻者癸卯車駕還宮乙酉晦日有蝕之三月景子以河  
南公梁彌機爲宕昌王夏四月己丑宋人來聘京師旱甲  
辰祈天災於北苑親自禮焉減膳避正殿景午澍雨大洽  
曲赦京師五月詔曰廼者人漸奢尚婚葬越軌又皇族貴  
戚及士庶之家不惟氏族高下與非類婚偶先帝親發明

詔為之科禁而百姓習常仍不肅改朕念憲章舊典永為定準犯者以違制論六月庚子皇叔若薨秋八月分遣使者考察守宰問人疾苦景戌詔罷諸州禽獸之貢九月乙巳朔日有蝕之景辰曲赦京師冬十月壬辰詔負外散騎常侍鄭義使於宋十二月癸巳誅南郡王李惠是歲龜茲國獻名駒龍馬珍寶其粟吐谷渾蠕蠕勿吉等國並遣使朝貢州鎮二十餘水旱人飢詔開倉振恤

三年春正月癸丑以德六合殿成庚申詔罷行察官二月辛巳帝太皇太后幸代郡湯泉問人疾苦鰥寡貧者妻以宮女己亥還宮三月癸卯朔日有蝕之甲辰曲赦京師夏

四月壬申宋人來聘癸未樂之全樂平薨甲午宋順帝繼位于齊庚子進淮陽公尉元爵為王宜都王日辰有罪賜死五月丁巳帝祈雨於北苑明陽明是日樹雨大洽六月辛未以雍州人飢開倉振恤起文石室靈泉殿於方山秋

七月壬寅詔免宮人年老及病者八月壬申詔羣臣進直言乙亥幸方山起思遠佛寺丁丑還宮九月壬子以司徒

東陽王丕為太尉趙郡公陳建為司徒進爵魏郡王河南公苟頹為司空進爵河東王進太原公王歡中山王隴東公張祐新平王之未定州刺史安樂王長樂有罪賜死庚

申隴西王源賀薨冬十月己巳朔大赦十一月癸卯賜京



師貧窮高年疾患不能自存衣服布帛各有差癸丑進假  
梁郡公元嘉嘉爵爲假王督二將出淮陰隴西公元琛三將  
出廣陵河東公薛豹子三村出廣固至壽春是歲吐谷渾  
高麗蠕蠕地豆干契丹庫莫奚龜茲粟特州逸河龔曩伏  
羅貢閣悉萬斤等國各遣使朝貢

四年春正月癸卯乾象六合殿成乙卯廣川王略薨丁巳  
罷畜雁鴟之所以其地爲報德佛寺戊午襄城王韓頽有  
罪削爵徙邊二月癸巳以旱故詔天下祀山川羣神及能  
興雲雨者修飾祠堂薦以牲璧人有疾苦所在存問夏四  
月乙卯辛廷宗籍坊二獄引見詣囚詔隨輕重決遣以赴

耕耘甲申賜天下貧人一戶之內無雜財穀帛者粟一年  
六月丁卯以澍雨大洽曲赦京師秋七月辛亥行李太山  
壬子詔會京師耆老賜錦綵衣服几杖稻米蜜麪復家人  
不徭役閏月丁亥幸獸園親錄囚徒輕者皆免之壬辰頓  
丘王李鍾葵有罪賜死八月乙酉詔諸州置冰室九月乙  
亥思義殿成壬午東明觀成戊子詔曰隆寒雪降可遣侍  
臣詣廷尉獄及囚所察飢寒者給以衣食桎梏者代以輕  
鎖是歲郡鎮十八水旱人飢詔開倉振恤蠕蠕悉萬斤等  
國並遣使朝貢

五年春正月己卯南巡丁亥至中山親見高年問人疾苦

二月辛卯朔大赦賜孝悌力田孤貧不能自存者穀帛各有差免官人之老者還其親丁酉至信都存問如中山癸卯還中山己酉講武于唐水之陽庚戌車駕還宮沙門法秀謀反伏誅假梁郡王嘉大破齊俘獲三萬餘口送京師三月辛酉朔幸肆州癸亥講武于雲水之陽所經考察守宰黜陟之己巳車駕還宮詔曰法秀妖詐亂常妄說符瑞蘭臺御史張求等一百餘人招結奴隸謀爲大逆有司科以族誅誠合刑憲但矜愚重命猶所不忍其五族者降止同祖三族止一門門誅止身夏四月己亥行幸方山建永固石室於山立碑焉銘太皇太后終制于金冊又起鹽臺殿甲寅以旱故詔所在掩骸骨祈禱神祇任城王雲薨五月庚申以農月時要詔天下勿使有留獄六月甲辰中山王叡薨戊午封皇叔簡爲齊郡王猛爲安豐王秋七月庚申朔日有蝕之甲子齊人來聘九月庚午閱武於南郊大饗羣臣齊使車僧朗以班在宋使殷靈誕後辭不就席宋降人解奉君刁僧朗於會中詔誅羣君等乙亥封昌黎王馮熙世子誕爲南平王冬十二月癸巳州鎮十二飢詔開倉振恤是歲鄧至蠕蠕等國並遣使朝貢

六年春正月甲戌大赦二月辛卯詔以靈立郡土旣褊堵又諸州路衝復其人租十五年癸巳白蘭王吐谷渾翼世

以誣罔伏誅乙未詔曰蕭道成逆亂江淮戎旗頻舉七州  
之人既有征運之勞深乖輕徭之義其復常調三年癸丑  
賜王公已下清勤著稱者穀帛有差三月庚辰幸獸園詔  
曰武狼猛暴食肉殘生從今勿復捕貢辛巳幸武州山石  
窟寺賜貧老衣服是月齊高帝殂夏四月甲辰賜畿內鰥  
寡孤獨不能自存者粟帛各有差秋七月發州郡五萬人  
修靈丘道八月癸未朔分遣大使巡行天下遭水之處丐  
其租賦貧儉不自存者賜以粟帛庚子罷山澤禁九月辛  
酉以臣揚後起爲武都王是歲地豆干吐谷渾等國並遣  
使朝貢

七年春正月庚申詔曰朕每思知百姓疾苦以增脩寬政  
故具問守宰苛虐之狀於州郡使者今秀孝計掾對多不  
實其華朕虛求之意宜案以大辟明罔上必誅然情猶未  
忍可恕罪聽歸申下天下使知後犯無恕丁卯詔責齊光  
東徐四州立運倉粟二十萬石送瑕丘琅邪復租竿一年  
三月甲戌以冀定二州飢詔郡縣爲粥於路以食之又弛  
關津之禁夏四月庚子幸崑山賜所過鰥寡不能自存者  
衣服粟帛壬寅車駕還宮閏月癸丑皇子生大赦六月定  
州上言爲粥所活九十四萬七千餘口秋七月甲申詔假  
貧外散騎常侍李彪使於齊改封濟南王羅拔爲趙郡王

九月壬寅詔求讜言冀刑上言爲粥所活七十五萬一千七百餘口冬十月戊午皇信堂成十一月辛丑齊人來聘十二月乙巳朔日有蝕之癸丑詔曰夏殷不嫌一族之婚周世始絕同姓之娶斯皆教隨時設政因事改者也皇運初基日不暇給古風遺樸未遑釐改自今悉禁絕之有犯者以不道論庚午開林慮山林禁與人共之州鎮一三飢詔開倉振恤

八年春正月詔隴西公琛尚書陸叡爲東西二道大使褒善罰惡夏五月己卯詔振賜河南七州戍兵甲申詔負外散騎常侍李彪使於齊六月丁卯詔曰置官班祿行之尚矣自中原喪亂茲制中絕先朝因循未遑釐改朕顧憲章舊典始班俸祿罷諸商人以簡人事戶增調三匹穀二斛九斗以爲官司之祿均預調爲二匹之賦即兼商用雖有一時之煩終克永逸之益祿行之後賦滿一匹者死變法改度宜爲更始其大赦天下與之惟新戊辰武州水壞人居秋八月甲辰詔以班制俸祿更興刑書寬猛未允人或異議制百辟卿士工商吏人各上便宜勿有所隱九月甲午齊人來聘戊戌詔俸制十月爲首每季一請於是內外百官受祿有差冬十一月乙未詔負外散騎常侍李彪使于齊十二月州鎮十五水旱人飢詔使者開倉振恤是歲

蠕蠕高麗等國各遣使朝貢

九年春正月戊寅詔禁園識祕緯及名孔子閉房記留者以大辟論又諸巫覡假稱神鬼妄說吉凶及妄巷諸非墳典所載者嚴加禁斷癸未大饗羣臣于太華殿班賜皇誥二月己亥制皇子封王者皇孫皇曾孫紹封者皇女封者歲祿各有差封廣陽王建第二子嘉為廣陽王乙巳詔百辟卿士工商吏人各上書極諫靡有所隱三月景申封皇弟禧為咸陽王幹為河南王羽為廣陵王雍為潁川王勰為始平王詳為北海王夏五月齊人來聘秋七月景辛朔新作諸門癸未遣使拜宕昌王梁彌機兄子彌承為宕昌

王八月庚申詔曰數州災水飢饉荐臻致有賣鬻男女者天譴在予一人百姓橫罹艱毒今自太和六年已來買定異幽相四州飢人良口者盡還所親雖姑為妻妾遇之非理情不樂者亦離之冬十月丁未詔使者循行州郡與牧守均給天下之田還受以生死為斷勸課農桑與富人之本辛酉司徒魏郡王陳建薨詔負外散騎常侍李彪使於齊十二月乙卯以侍中淮南王他為司徒是歲京師及州鎮十三水旱傷稼宕昌高麗吐谷渾等國並遣使朝貢十年春正月癸亥朔帝始服袞冕朝饗萬國二月甲戌初立黨里隣三長定人戶籍三月庚戌齊人來聘夏四月辛

酉朔始制五等公服甲子帝初法服御羣祀西郊六月巳  
卯各皇子曰恂大赦秋八月乙亥給尚書五等品爵巳上  
朱衣玉珮大小組綬九月辛卯詔起明堂辟雍冬十月癸  
酉有司議依故事配始祖於南郊十一月議定州郡縣官  
依口給俸十二月乙酉汝南潁川飢詔丐人田租開倉振  
恤是歲蠕蠕高麗吐谷渾勿吉等國並遣使朝貢

十一年春正月丁亥朔詔定樂章非雅者除之二月甲子  
肆州之鴈門及代郡人飢詔開倉振恤夏五月癸巳南平  
王渾薨甲午詔復七廟子孫及外戚總服巳上賦役無所  
與六月辛巳秦州人飢詔開倉振恤秋七月巳丑詔今年

穀不登聽人出關就食遣使者遺糴分遣去留所在開倉  
振恤八月壬申蠕蠕犯塞遣平原王陸叡討之庚辰大議  
北伐辛巳罷山北苑以其地賜貧人冬十月辛未詔罷起  
部無益之作出宮人不執機杼者甲戌詔曰鄉飲之禮廢  
則長幼之序亂孟冬十月人閑歲隙宜於此時導以德義  
可下諸州黨里之內推賢而長者教其里人父慈子孝兄  
友弟順夫和妻柔不率長教者具以名聞十一月丁未詔  
罷尚方錦繡綾羅之工百姓欲造任之無禁其御府衣服  
金銀珠玉綾紬錦太官雜器太僕乘具內庫弓矢出其太  
半班賚百官及京師人庶下至工商卑隸逮於六鎮戍士

各有差戾申詔令寒氣勁切杖箠難任自今月至來年孟夏不聽拷問罪人又歲飢輕囚宜速決了無令薄罪久留獄犴十二月詔秘書丞李彪著作郎崔光改析國記依紀傳體是歲大飢詔所在開倉振恤吐谷渾高麗悉萬斤等國並遣使朝貢

十二年春正月辛巳朔初建五牛旌旗乙未詔鎮戍流徙之人年滿七十孤單窮獨無成人子孫旁無暮親者具狀以聞二月辛亥朔日有蝕之三月丁亥中散梁衆保等謀反伏誅夏四月甲子大赦己巳齊將陳顯達攻陷豐陽長樂王穆亮率騎討之五月丁酉詔六鎮雲中河西及關內郡各脩水田通渠溉灌壬寅增置蠶器於太廟秋九月甲午詔曰日蝕脩德月蝕脩刑迺者癸巳夜月蝕盡公卿已下宜慎刑罰以答天意丁酉起宣文堂經武殿癸卯淮南王他薨冬閏十月甲子帝觀築圓丘于南郊十一月雍豫二州人飢詔開倉振恤梁州刺史臨淮王提坐貪縱配北鎮是歲高麗宕昌吐谷渾勿吉武興等國並遣使朝貢十三年春正月辛亥祀圓丘初備大駕乙丑兗州人王伯恭聚衆勞山自稱齊王東萊鎮將孔伯孫討斬之戊辰齊人寇邊淮南太守王僧雋擊走之二月庚子引羣臣訪政道得失損益之宜三月夏州刺史章武王彬以貪財削封

夏四月丁丑詔曰升樓散物以資百姓至使人馬騰踐多有毀傷今可斷之以本所費之物賜窮老貧獨者州鎮十  
三大飢詔所在開倉振恤五月庚戌祀方澤六月汝陰王  
天賜南安王禎並坐贓賄免為庶人秋七月立孔子廟於  
京師八月乙亥詔兼負外散騎常侍邢產使於齊九月出  
宮人賜北鎮人貧鰥者冬十一月己未安豐王猛薨十二  
月景子司空河東王苟類薨甲午齊人來聘己亥以尚書  
令尉元為司徒左僕射穆亮為司空是歲高麗吐谷渾陰  
平中赤武興宕昌等國各遣使朝貢

元年春正月己巳朔日有蝕之二月戊寅初詔定祀

禮詔遣侍臣巡行州郡問人疾苦夏四月地震于頻犯  
塞甲戌征西大將軍陽平王熙擊走之甲午詔兼負外散  
騎常侍邢產使於齊五月己酉庫莫奚犯塞安州都將樓  
龍兒擊走之沙門司馬御惠自言聖王謀破平原郡禽獲  
伏誅秋七月甲辰詔罷都牧雜制八月詔議國之行次九  
月癸丑太皇太后馮氏崩詔聽藩鎮曾經內侍者前後奔  
赴冬十月戊辰詔將親侍龍輿奉訣陵隧諸常從之具悉  
可停之其武衛之官防侍如法癸酉葬文明太皇太后於  
永固陵甲戌車駕謁永固陵羣臣固請公除帝不許己卯  
車駕謁永固陵庚辰帝居廬引見羣寮於太和殿太尉東



陽王不等據權制固請帝引古禮往復羣臣乃止京兆王  
太興有罪免官削爵詔曰公卿屢依金冊遺旨中代權制  
或請過葬即吉朕思遵遠古終三年之制依禮既虞卒哭  
此月二十一日授服以葛易麻既以衰服在上公卿不得  
獨釋於下故於朕之授服變從練禮已下復為節降斟酌  
古今以制厥衷且取遺旨速除之一端粗申臣子罔極之  
巨痛癸未詔曰朕遠遵古式欲終三年之禮百辟羣臣據  
金冊顧命將奪朕心從先朝之制朕仰惟金冊俯自推省  
取諸二衷不許衆議以衰服過期終四節之慕又奉遵聖  
訓聿修誥旨不敢暗默自居以曠機政庶不愆遺令之意  
羌展哀慕之情並下州鎮長至三元絕告慶之禮甲申車  
駕謁永固陵十一月甲寅詔內外職人先朝班次及諸方  
雜客冬至之日畫龜入臨二品已下衰服者至夕復臨其  
餘唯旦臨而已其拜哭之節一依別儀丁巳齊人來聘十  
二月壬午詔依準立井之式遣使與州郡宣行條制隱口  
漏丁即聽附實若朋附豪勢陵抑孤獨罪有常刑是歲吐  
谷渾宕昌武興陰平高麗等國並遣使朝貢

十五年春正月丁巳帝始聽政於皇信東室初分置左右  
史官癸亥晦日有蝕之二月己丑齊人來聘三月甲辰車  
駕謁永固陵夏四月癸亥帝始進蔬食乙丑謁永固陵

正月不雨至于癸酉有司奏祈百神詔曰何宜四氣未周  
使行禮事唯當考躬責己以待天譴甲戌詔負外散騎  
侍李彪使於齊己卯經始明堂改營太廟五月己亥議改  
律令於東明觀折疑獄乙卯抱罕鎮將長孫百年攻吐谷  
渾所置洮陽泥和二戍剋之俘獲三萬餘人詔悉免歸景  
辰詔造五輅六月丁未齊陰王鬱以貪殘賜死秋七月乙  
丑謁永固陵規建壽陵己卯詔議祖宗以道武皇帝為太  
祖乙酉車駕巡省示邑聽訟而還八月壬辰議養老又議  
肆類上帝禮于六宗禮帝親臨決詔郡國有時物可以薦  
宗廟者貢之戊戌繕道壇於桑乾之陰改曰崇虛寺己亥  
詔諸州舉秀才先盡才學己巳親定禘祫禮丁巳議律令  
事仍省雜祀九月辛巳齊人來聘冬十月庚寅車駕謁永  
固陵是月明堂太廟成十一月丁卯遷七廟神主於新廟  
乙亥大定官品戊寅考諸牧守詔假通直散騎常侍李彪  
聘於齊景戌初罷小歲賀丁亥詔二千石考上上者假四  
品將軍賜乘黃馬一匹上中者五品將軍上下者衣一襲  
十二月壬辰遷社於內城之西癸巳班賜刺史已下衣冠  
以安定王休為太傅齊郡王簡為太保帝為高麗王璉舉  
哀於城東行宮己酉車駕迎春於東郊辛卯詔簡選樂官  
是歲吐谷渾采萬斤高麗鄧至宕昌等國並遣使朝貢

十六年春正月戊午朔朝饗群臣於太華殿帝始為王公  
興縣而不樂己未宗祀顯祖獻文皇帝於明堂以配上帝  
遂升臺以觀雲物降居青陽左个布政事每朔依以為常  
辛酉始以太祖配南郊壬戌詔定行次以水承金甲子詔  
罷袒裸乙丑制諸遠屬非太祖子孫及異姓為王者皆降  
為公公為侯侯為伯子男仍舊皆除將軍之號戊辰帝臨  
思義殿策問秀孝景子始以孟月祭廟二月戊子帝移御  
永樂宮庚寅壞太華殿經始太極殿辛卯罷寒食享壬辰  
辛北部曹歷觀諸省巡省京邑聽理冤訟甲午車駕初朝  
日于東郊遂以為常丁酉詔祀唐堯於平陽虞舜於廣寧

夏禹於安邑周文於洛陽丁未改謚宣尼曰文聖尼父告  
謚孔廟三月丁卯巡省京邑癸酉省西郊郊天雜事乙亥  
車駕初迎氣於南郊自此為常辛巳以高麗王璉孫雲為  
其國王齊人來聘夏四月丁亥朔頒新律令大赦甲寅幸  
皇宗學親問博士經義五月癸未詔羣臣於皇信堂議定  
律條流徒限制帝親臨決之秋七月壬戌詔曰自今選舉  
每以季月本曹與吏部銓簡甲戌詔兼負外散騎常侍宋  
弁使於齊八月庚寅車駕初祀夕月於西郊遂以為常乙  
未詔陽平王頤左僕射陸叡督十二將北討蠕蠕景午宕  
昌王梁彌承來朝司徒尉元以老遜位己酉以尉元為三

老游明根爲五更又養國老庶老將行大射之禮雨不克  
成癸丑詔曰國家雖宗文以懷九服修武以寧八荒然於  
習武之方猶爲未盡將於馬射之前先行講武之式可敕  
有司豫修場埽其列陣之儀五戎之數別俟後敕九月甲  
寅朔大序昭穆於明堂祀文明太皇太后於玄堂辛未帝  
以文明太皇太后再周忌日哭於陵左絕膳三日哭不輟  
聲辛巳武興王楊集始來朝冬十月己亥以太傅安定王  
休爲大司馬特進馮誕爲司徒甲辰詔以功臣配饗太廟  
庚戌太極殿成饗羣臣十一月乙卯依古六寢權創三室  
以安昌殿爲內寢皇信堂爲中寢四下爲外寢十二月賜  
京邑老人鳩杖齊人來聘是歲高昌使鄧至契丹請以谷渾  
等國並遣使朝貢

十七年春正月壬子朔饗百寮於太極殿乙丑詔大賜諸  
蕃君長車旗衣馬錦綵繒纒各千少者二百各以命  
數爲羌詔兼員外散騎常侍邢巒徵於齊景子以吐谷渾  
伏連等爲其國王庚辰蠲大司馬安定王休太僕齊郡王  
簡朔望之朝二月乙酉詔賜議律令之官各有差己酉車  
駕始藉田於都南三月戊辰改作後宮夏四月戊戌立皇  
后馮氏是月齊直閣將軍蠻酋田益宗率部落內屬五月  
壬戌宴四朝子孫於宣文堂帝親與之齒行家人禮甲子

帝臨朝堂引見公卿以下決疑政錄囚徒丁丑以旱徹膳  
 襄陽蠻酋雷婆思等率其部內徙居於太和川六月庚辰  
 朔日有蝕之景戊帝將南伐詔造河橋乙未講武乙巳詔  
 曰比百秩雖陳事典未叙自八元樹位躬加省覽作職負  
 令二十一卷事迫戎期未善周悉須待軍迴便論所關權  
 可付外施行立皇子恂為皇太子秋七月癸丑以皇太子  
 立詔賜人為父後者爵一級為公士曾為吏屬者爵二級  
 為上造鰥寡孤獨不能自存者人粟五斛戊午中外戒嚴  
 是月齊武帝殂八月乙酉三老山陽郡公尉元薨景戌車  
 駕類於上帝遂臨尉元喪丁亥帝辭永固陵己丑發京師

南伐步騎三十餘萬太尉不奏請以宮人從詔以臨戎不  
 語內事不許壬寅車駕至肆州人年七十已上賜爵一級  
 路見眇跛停駕親問賜衣食復終身戊申辛并州親自高  
 年問疾苦九月壬子詔兼負外散騎常侍高聰聘於齊丁  
 巳詔車駕所經傷人秋稼者畝給穀五斛戊辰濟河詔洛  
 懷并肆所過四州賜高年爵恤鰥寡孤獨各有老孝悌廉  
 義文武應求者皆以名聞又詔斲養戶不得與庶士婚有  
 文武之才積勞應進者同庶族例聽之庚午幸洛陽周巡  
 故宮基跡帝顧謂侍臣曰晉德不修荒毀至此遂詠黍離  
 詩為之流涕壬申觀河橋幸太學觀石經景子六軍發軔

丁丑帝戎服執鞭御馬而出羣臣稽顙於馬前請停南伐  
帝乃止仍議遷都計冬十月戊寅朔幸金墉城詔徵司空  
穆亮與尚書李冲粹作大匠董爵經始洛京己卯幸河南  
城乙酉幸豫州癸巳次於石濟乙未解嚴設壇於滑臺宮  
詔京師及諸州從戎者賜爵一級應募者加二級主將加  
三級癸卯幸鄴城乙巳詔安定王休率從官迎家口於代  
車駕送於漳水上初帝之南伐起宮殿於鄴西十一月癸  
亥宮成徙御焉十二月戊寅巡省六軍乙未詔隱恤軍士  
死亡疾病務令優給是歲勿吉吐谷渾宕昌陰平契丹庫  
莫奚高麗鄧至等國並遣使朝貢

十六年春正月丁未朔朝羣臣於鄴宮澄鸞殿癸亥南巡  
詔相究豫三州賜高年爵恤鰥寡孤老各有差孝悌廉義  
文武應求者皆以名聞戊辰經殷比干墓祭以太牢乙亥  
幸洛陽西宮二月己丑行幸河陰規建方澤之所景申徙  
封河南王幹為趙郡王潁川王雍為高陽王壬寅北巡癸  
卯齊人來聘甲辰詔喻天下以遷都意閏月癸亥次勾注  
陘南皇太子朝于蒲地壬申至平城宮癸酉臨朝堂部分  
遷留甲戌謁永固陵三月庚辰罷西郊祭壬辰帝臨太  
極殿喻在代羣臣遷移之略夏五月甲戌朔日有蝕之乙  
亥詔罷五月五日七月七日饗六月己巳詔兼負外散騎

常侍盧昶使於齊秋七月乙亥以宋王劉昶為大將軍壬  
辰北巡戊戌謁金陵辛丑幸朔州是月齊蕭鸞為殺其主昭  
業八月癸亥皇太子朝於行宮甲辰行幸陰山觀雲川丁  
未幸闕武臺臨觀講武因幸懷朔武川撫冥柔玄等四鎮  
乙丑南還所過皆親見高年問人疾苦貧寒孤老者賜以  
粟帛景寅詔六鎮及禦夷城人年老孤貧廢疾者賜粟有  
罪各有羌戊辰車駕次旋鴻池庚午謁永固陵辛未還平  
城宮九月壬申朔詔曰三載考績自古通經三考黜陟以  
彰能不朕今三載一考考即黜陟欲令愚滯無妨於賢者  
才能不擁於下位各令當曹考其優劣為三等六品已下

尚書重開五品已上朕親  
之上下者黜之中中者守其本任壬午帝臨朝堂親加黜  
陟壬辰陰平王陽炅來朝冬十月甲辰以太尉東陽王丕  
為太傅戊申親告太廟奉迎神主辛亥車駕發平城宮壬  
戌次於中山之唐湖乙丑分遣侍臣巡問疾苦己巳幸信  
都庚午詔曰比聞緣邊之蠻多有竊掠致有父子乖離室  
家分絕可詔荆郢東荆二州勅諸蠻人勿有侵暴是月齊  
蕭鸞殺其主昭文而自立十一月辛未朔詔異定二州賜  
高年爵恤鰥寡孤老各有羌孝義廉貞文武應求者具以  
名聞丁丑幸鄴甲申經比干墓親為帛文樹碑列之己丑

車駕至洛陽十二月辛丑朔分命諸將南征壬寅革衣服之制癸卯詔中外戒嚴戊申復代遷戶租賦二歲己酉詔王公伯子男開國食邑者王食半公三分食一侯伯四分食一子男五分食一辛亥車駕南伐丁卯詔鄆豫二州賜高年爵恤孤寡鰥老各有差緣路之丁復田租一歲孝悌廉貞文武應求者具以名聞戊辰車駕至懸瓠己巳詔壽陽鍾離馬頭之師所獲男女口皆放還南是歲高麗國遣使朝貢

十九年春正月辛未朔朝饗羣臣於懸瓠癸酉詔禁淮北人不得侵掠犯者以大辟論壬午講武於汝水西大賚六軍平南將軍王肅左將軍元麗並大破齊軍己亥車駕濟淮二月甲辰幸八公山路中雨甚詔去蓋見軍士病者親隱恤之戊申車駕巡淮南東人皆安堵租運屬路景辰辛鍾離戊午軍士禽齊人三千帝曰在君爲君其父何罪於是免歸辛酉發鍾離將臨江水司徒馮誕薨壬戌詔班師丁卯遣使臨江數齊主罪惡三月戊子太師馮熙薨夏四月丁未曲赦徐豫二州其運轉之士復租三年辛亥詔賜高年爵恤孤寡老疾各有老德著立園者具以名聞齊人降者給復十五年癸丑幸小沛使以太牢祭漢高祖廟己未幸瑕丘使以太牢祠岱嶽詔宿衛武官增位一級庚申



幸魯城親祠孔子廟辛酉詔拜孔氏四人顏氏二人爲官  
詔兖州刺史舉部內士人堪軍國及守宰政績者具以名  
聞詔賜兖州人爵及粟帛如徐州又詔選諸孔宗子一人  
封崇聖侯邑一百戶以奉孔子祀命兖州爲孔子起園栢  
管飾墳隴更建碑銘褒揚聖德戊辰行幸碣磬太和朝成  
五月己巳城陽王鸞赭陽失利降爲定襄縣王廣川王諧  
薨庚午遷文成皇后馮氏神主於太和廟甲戌行幸滑臺  
景子次于石濟庚辰皇太子朝於平桃城癸未車駕至自  
南伐甲申減閑官祿以裨軍國之用乙酉行飲至禮班賜  
各有差焉甲午皇太子冠於廟六月己亥詔不得以北俗之

語言於朝廷違者免所居官辛丑詔復軍士從駕渡淮者  
租賦二年癸卯詔皇太子赴平城宮壬子詔濟州東郡滎  
陽及河南諸縣車駕所經者賜高年爵恤孤寡老疾各有  
差孝悌廉義文武應求者具以名聞癸丑承天下遺書祕  
閣所無有裨時用者加以厚賞乙卯曲赦梁州復人田租  
三歲景辰詔遷洛人死葬河南不得還北於是代人南遷  
者悉爲河南洛陽人戊午詔改長赤大斛依周禮制度班  
之天下秋八月壬午西宮路見壞塚露棺駐輦埋之乙巳詔  
選天下勇士十五萬人爲羽林武賁以充宿衛丁巳詔諸  
從兵從征被傷者皆聽還本金墉宮成甲子引羣臣歷宴

殿堂九月六宮及文武盡遷洛陽景戌行幸鄴丁亥詔諸墓舊銘記見存昭然為時人所知者三公及位從公者去墓三十步尚書令僕九列十五步黃門五校十步各不聽親殖壬辰遣黃門郎以太牢祭比干墓乙未車駕還宮冬十月甲辰曲赦相州賜高年爵恤孤老痼疾各有差景辰車駕至自鄴辛酉詔州郡舉士壬戌詔諸州牧考屬官為三等之科以聞將加親覽以定升降詔徐充光南青荆洛六州嚴纂戎備應須赴集十一月行幸委粟山議定圓丘甲申祀圓丘景戌大赦十二月乙未朔引見羣臣光極堂宣下品令為大選之始辛酉以咸陽王禧為長兼太尉復高麗鄧至吐谷渾等國各遣使朝貢

前安南王禎本爵甲子引見羣臣光極堂賜冠服長歲二十年春正月丁卯詔改姓元氏壬辰封始平王勰為彭城王復封定襄王繼為城陽王二月辛丑幸華林聽訟於都亭壬寅詔自非金華皆聽終二年喪景午詔畿內七十已上暮春赴京師將行養老禮庚戌幸華林聽訟於都亭癸丑詔介山之邑聽為寒食自餘禁斷三月景寅宴羣臣及國老庶老於華林園詔國老黃耆以上假中散大夫郡守耆年以上假給事中縣令庶老直假郡縣各賜鳩杖衣裳丁丑詔諸州中正各舉其鄉人望年五十已上守素術

門者授以令長夏五月景子詔敦勸農功令畿內嚴加課  
 督墾業者申以楚捷力田者具以名聞景成初營方澤於  
 河陰遣使以太牢祭漢光武及明章三帝陵又詔漢魏晉  
 諸帝陵各禁方百步不得樵蘇踐藉丁亥祀方澤秋七月  
 廢皇后馮氏戊寅帝以久旱成秩羣神自癸未不食至于  
 乙酉是夜澍雨大洽八月壬辰朔幸華林園親錄囚徒咸  
 降本罪二等決遣之丁巳南安王禎薨幸華林園聽訟无  
 月戊辰車駕閱武于小平津癸酉還宮丁亥將通洛水入  
 穀帝親臨觀庚寅晦日有蝕之冬十月戊戌以代遷之士  
 皆為羽林武貴同列之人十二夫調一吏為四車更卒歲

開番假以供公私力役己酉曲赦京師十一月乙酉復封  
 前汝陰王天賜孫景和為汝陰王前京兆王太興為西河  
 三十二月甲子以西北州郡旱儉遣侍臣巡察開倉振恤  
 乙丑開鹽池禁景寅廢皇太子恂為庶人戊辰置常平倉  
 樂陵王思譽知恒州刺史穆泰謀反不告削爵為庶人  
 二十一年春正月景申立皇子恪為皇太子賜天下為父  
 後者爵一級己亥遣侍臣巡方省察問人疾苦黜陟守宰  
 乙巳北巡二月壬戌次於太原親見高年問所不便乙丑  
 詔并州士人年六十已上假以郡守先是定州人王金鈞  
 訛言自稱應王景寅州郡捕斬之癸酉車駕至平城甲戌

謁永固陵乙未南巡甲寅詔汾州賜高年爵各有差景宸  
次平陽使以太牢祭唐堯夏四月庚申幸龍門使以太牢  
祭夏禹癸亥幸蒲坂使以太牢祭虞舜修堯舜夏禹廟辛  
未幸長安壬申武興王楊集始來朝乙亥親見高年問所  
疾苦景子遣侍臣分省縣邑振賜穀帛戊寅幸未央殿阿  
房宮遂幸昆明池癸未宋王劉昶薨景戌使以太牢祀漢  
帝諸陵五月丁亥朔衛大國遣使朝貢己丑車駕東旋汎  
渭入河庚寅詔雍州士人百年以上假華郡太守九十以  
上假荒郡八十以上假華縣七十以上假荒縣庶老以年  
各減一等七十已上賜爵三級其營舩夫賜爵一級孤寡  
鰥貧各賜穀帛其孝友德義文武才幹悉仰貢舉士使  
以太牢祭周文王於鄠祭周武王於鎬癸卯遣使祭華岳  
六月庚申車駕至自長安壬戌詔異定瀛相濟五州發卒  
士二十萬將以南討癸亥司空穆亮遜位秋七月甲午立  
昭儀馮氏爲皇后甲寅帝親爲羣臣講喪服於清徽堂八  
月景宸詔中外戒嚴壬戌立皇子愉爲京兆王懌爲清河  
王懷爲廣平王戊辰講武於華林園庚辰車駕南討九月  
景申詔司州洛陽人年七十以上無子孫六十以上無其  
親貧不自存者給以衣食及不滿六十而有廢痼之疾無  
大功親窮困無以自療者皆於別坊遣醫救護給大醫師

四人豫請藥物療之辛丑帝留諸將攻赭陽引師南討丁未車駕發南陽留太尉咸陽王禧前將軍元英攻之己酉車駕至新野冬十月丁巳四面進攻不尅詔左右軍築長圍以守之乙亥追廢貞皇后林氏爲庶人十一月丁酉大破齊軍於沔北於是人皆復業九十以上假以郡守六十以上假以縣令一二月丁卯詔流徙之囚皆勿決遣登城之際令其先鋒自効庚午車駕臨沔遂東還戊寅還新野己卯親行營壘恤六軍以齊郡王子琛紹河間王若孫高昌國遣使朝貢

二十二年春正月癸未朔饗羣臣於新野行宮丁亥拔新

野斬其太守劉忠於宛庚午至自新野辛未詔以漢人歸大順始終若一者給復三十年標其所居曰歸義鄉降者給復十五年三月壬午朔大破齊將崔慧景於車於鄧城庚寅行幸樊城觀兵襄沔耀武而還曲赦二荆魯陽辛亥行幸懸瓠夏四月趙郡王幹薨秋七月壬午詔后之私府損半六宮嬪御五服男女恒恤恒供亦令減半在戎之親三分省一以供賞是月齊明帝殂八月辛亥皇太子自京師來朝壬戌高麗國遣使朝貢九月己亥帝以禮不伐喪詔反旆景午車駕發懸瓠冬十月己酉朔曲赦二豫州殊死已下復人田租一歲十一月辛巳幸鄴

二十三年春正月戊寅朔朝饗羣臣於鄴先是帝不豫至是有瘵庚辰羣臣上壽大饗於澄鸞殿壬午幸西門豹祠遂歷漳水而還戊戌車駕至自鄴癸卯行飲至策勳之禮甲辰大赦太保齊郡王簡薨二月辛亥以長兼太尉咸陽王禧為太尉辛亥以中軍大將軍彭城王勰為司徒復樂陵王思譽本封癸酉齊將陳顯達攻陷馬圈戊三月庚辰車駕南伐癸未次梁城景戌帝不豫丁酉車駕至馬圈戊戌頓戰破之己亥收其戎資億計諸將追奔漢水斬獲及赴水死者十八九庚子帝疾甚車駕北次穀塘原甲辰詔賜皇后馮氏死詔司徒勰徵太子於魯陽踐阼以北海王

詳為司空王肅為尚書令廣陽王嘉為左僕射尚書宋為吏部尚書與太尉咸陽王禧右僕射任城王澄等六人輔政夏四月景午朔帝崩于穀塘原之行宮時年三十三祕諱至魯陽發喪還京師上謚曰孝文皇帝廟曰高祖五月景申葬長陵帝幼有至性年四歲時獻文患難帝親自吮膿五歲受禪悲泣不自勝獻文問其故對曰代親之感內切於心獻文甚歎異之文明太后以帝聰聖後或不利馮氏將謀廢帝乃於寒月單衣閉室絕食三朝召咸陽王禧將立之元丕穆泰李冲固諫乃止帝初不有憾唯深德丕等撫念諸弟始終曾無纖介惇睦九族禮敬俱深雖於

大臣持法不縱然性寬慈進食者曾以熱羹覆帝手文曾  
於食中得蟲穢物並笑而恕之宦者先有譖帝於太后太  
后杖帝數十帝默受不自申明太后崩後亦不以介意聽  
覽政事從善如流哀矜百姓相思所以濟益天地五郊宗  
廟二分之禮常必躬親不以寒暑為倦尚書奏案多自尋  
省百官大小無不留心務於周洽每言凡為人君患於不  
均不能推誠遇物苟能均誠胡越之人亦可親如兄弟常  
從容謂史官曰直書時事無諱國惡人君威福自己更復  
不書將何所懼南北征巡有司奏請修道帝曰粗修橋梁  
通輿馬便止不須去草刻令平也凡所修造不得已而為  
之不為不急之事重損人力巡幸淮南如在內地軍事須  
伐人樹者必留絹以酬其直人苗稼無所傷踐諸有禁忌  
穰厭之方朴英籍所載者一皆除罷雅好讀書手不釋卷  
五經之義覽之便講學不師受探其精奧史傳百家無不  
該涉善談莊老尤精釋義才藻富贍好為文章詩賦銘頌  
在輿而作有六文筆馬上口授及其成也不改一字自太  
和十年已後詔冊皆帝文也自餘文章百有餘篇愛音好  
士情如飢渴待納朝賢隨才輕重常寄以布素之意悠然  
玄邁不以世務嬰心又少善射有膂力年十餘能以指彈  
碎羊髓骨射禽獸莫不隨行所至而斃之至十五便不復

殺生射獵之事悉止性儉素常服澣濯之衣畫勤鐵木而已帝之雅志皆此類也

論曰有魏始基代朔廓平南夏闢土經世咸以威武為業文教之事所未遑也孝文纂承洪緒早著觀聖之風時以文明攝事優游恭己玄覽獨得著自不言神契所擗固以符於冥化及躬揔大政一日萬機十許年間曾不暇給殊塗同歸百慮一致夫生靈所難行人倫之高迹雖尊君重屋盡蹈之矣若乃欽明稽古協御天人帝王制作朝野軌度斟酌用舍煥乎其有文章海內黔黎咸受耳目之賜加唯才大略愛奇好士視下如傷役已利物亦無得而獲之其經緯天地豈虛謚也

魏本紀第三

北史三



方洽周益周  
已千孫  
粹然  
校正

